



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-331-4/25**

Datum: **15.12.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «SGI TECHNOLOGY» d.o.o. Tešanj za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta pogona za reciklažu automobilskih guma u Poslovnoj zoni «Vila», općina Tešanj, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, «SGI TECHNOLOGY» d.o.o. Sarajevo za ispuštanje otpadnih voda u prirodni recipijent sa lokaliteta pogona za reciklažu automobilskih guma izgrađenog u Poslovnoj zoni «Vila» na zemljištu označenom kao k.č. broj: 5/23 K.O. Novo Selo, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog pogona i uz sljedeće uslove:
 - 2.1. Da se, za vrijeme trajanja ove dozvole, za kompletan pogon ishoduje upotrebna dozvola od nadležnog Ministarstva za prostorno uređenje, promet i komunikacije i zaštitu okoline Zeničko-dobojskog kantona.
 - 2.2. Da se skladištenje nafte i naftnih derivata, nakon konačnog puštanja pogona u funkciju, vrši u adekvatnim nadzemnim čeličnim spremnicima ukupne zapremine 3.600 lit (4 x 900 lit).
 - 2.3. Da se zaštitne tankvane kontrolišu na vodonepropusnost odnosno da se poduzimaju odgovarajuće mjere u cilju sprečavanja akcidentnih zagađenja usljed eventualnog curenja sadržaja iz spremnika i tankvana.
 - 2.4. Da se osiguraju priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje vode i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.5. Da se, za vrijeme trajanja ove dozvole, obezbjeđuje da se tehnološke otpadne vode nastale održavanjem postrojenja i čišćenjem podova proizvodnog pogona zajedno sa onečišćenim oborinskim vodama sa platoa, saobraćajnih i manipulativnih površina nesmetano prikupljaju sistemom slivnih rešetki i kanalizacione mreže te odvođe do objekta za tretman otpadnih voda (separator ulja i masti) a zatim ovako tretirane vode ispuštaju u zacijevljeni potok sa krajnjim ispustom u rijeku Tešanjku.
 - 2.6. Prečišćene otpadne vode, prije ispuštanja u recipijent – zacijevljeni potok a potom rijeka Tešanjka moraju ostati u maksimalno dopuštenim granicama definisanim u Prilogu 1. Tabela 1.1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.7. Da se objekti koji će se, koristiti u svrhu prikupljanja, odvodnje i tretmana tehnoloških i oborinskih onečišćenih otpadnih voda nastalih u krugu kompleksa (slivničke rešetke, separator ulja i masti, kanalizaciona mreža) održavaju i koriste na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.8. Talog iz separatora, kao i ostali opasni i neopasni otpad, se ne smije ni privremeno odlagati na česticu «vodno dobro», odnosno u vodotoke i na njegove obale.
 - 2.9. Čišćenje i održavanje separatora ulja i masti te skladištenje i konačno zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora ulja kao i preuzimanje drugog opasnog otpada.
 - 2.10. Vlasnik odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring prije ispusta u recipijent – zacijevljeni potok a potom rijeka Tešanjka, u skladu sa Uredbom o uslovima ispuštanja otpadnih

voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.11. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
- 2.12. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 1 (jedne) godine od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «SGI TECHNOLOGY» d.o.o. Tešanj svojim zahtjevom, zaprimljenim u Agenciju dana 29.07.2025. godine zatražilo je izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona za reciklažu automobilskih guma izgrađenog u Poslovnoj zoni «Vila» na zemljištu označenom kao k.č. broj: 5/23 K.O. Novo Selo, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-23-000561 izdatog dana 05.07.2023. godine od strane Općinskog suda u Zenici,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-6128-2/23 izdatog dana 04.09.2023. godine od strane Uprave za indirektno oporezivanje Banja Luka,
- Uvjerenje o poreznoj registraciji izdatog dana 23.08.2023. godine od strane Porezne uprave Federacije BiH – Kantonalni porezni ured Zenica,
- Kopija Rješenja o okolinskoj dozvoli broj: UPI -05/2-19-5-82/20 izdatog dana 20.10.2020. godine od strane Federalnog ministarstva okoliša i turizma Sarajevo,
- Kopija Rješenja o izmjeni Rješenja o odobrenju građenja broj: 12-23-8698/13 od 18.02.2015. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Izjava o upotrebnoj dozvoli od 25.07.2025. godine,
- Skica izvedenog stanja poslovnog objekta MJ 1:1000,
- Glavni projekat vanjskih hidroyinstalacija - vodosnabdijevanje, prikupljanje, prečišćavanje i disponiranje otpadnih voda iz proizvodnog pogona za reciklažu automobilskih guma u naselju Novo Selo, općina Tešanj urađen od strane «IBIS» d.o.o. Zavidovići (šifra: 49-IB-G/13, juli 2013.) i revidovan od strane «HIGRACON» d.o.o. Sarajevo, august 2013. godine - na uvid,
- Kopija Rješenja o vodnoj dozvoli broj: UP-1/21-3-40-574-4/21 izdatog dana 17.01.2022. godine od strane «Agencije za vodno područje rijeke Save» Sarajevo,
- Kopija Ugovora o čišćenju separatora zaključenog dana 12.09.2019. godine između «SGI TECHNOLOGY» d.o.o. Tešanj i «EKO-SERVIS» d.o.o. Tešanj,
- Kopija Izvještaja o ispitivanju otpadnih voda za «SGI TECHNOLOGY» d.o.o. Tešanj urađen od strane JP «RAD» d.d. Tešanj (šifra: OP-024-11-3546/25, decembar 2025. godine),
- Kopija Zapisnika o inspekcijskom nadzoru broj: 18-19-03538/24-08-07-006-P urađenom dana 10.06.2025. godine od strane Uprave za inspekcijske poslove Zeničko-dobojskog kantona,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona u Poslovnoj zoni «Vila» u Tešnju i tom prilikom je sačinjen Zapisnik o uviđaju broj: UP-1/21-3-40-331-3/25 od 09.10.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Objekat pogona za reciklažu automobilskih guma kao i otpadnih proizvoda od gume i plastike izgrađen je u Poslovnoj zoni «Vila», općina Tešanj. U objektu je instalirano postrojenje u kome će se prerada otpada vršiti primjenom pirolize. Glavni dijelovi postrojenja za reciklažu – Pyro ATM 10 su: horizontalno rotirajući reaktori ili posude za razbijanje, katalizatorski dio za razdvajanje i sistem za hemijsku ekstrakciju proizvoda. Rad postrojenja se sastoji od niza ciklusa: prvo se sijeku gume na dijelove prihvatljive za obradu a potom se obrađena guma odvodi u komoru za pirolizu gdje na temperaturi do 400°C dolazi do izdavanja miješanih ulja iz sirovine. Kao rezultat postupka pirolize otpadne gume nastajat će miješana ulja, crni karbon i čelična žica. Miješano ulje prolazi niz postupaka dok se ne dobije očekivani finalni produkt - dizel gorivo i benzin. Osim dizel goriva (40%) i benzina (5%), u proizvodnom procesu reciklaže automobilskih guma nastaju teška ulja (10%), karbon (30%), čelik (10%) i otpadni gas za sagorijevanje (5%). U proizvodnom postupku voda se koristi samo za hlađenje tj voda je u zatvorenom sistemu.

Pogon za reciklažu automobilskih guma još nije u funkciji. Prema izjavi predstavnika podnosioca zahtjeva izvršena je certifikacija ugrađenog dijela postrojenja (reaktor 1) a da bi započela proizvodnja odnosno konačna upotreba izgrađenog pogona neophodna je ugradnja još jednog reaktora čija isporuka se čeka.

Nakon puštanja pogona u funkciju, gorivo će se skladištiti u čeličnim, nadzemnim spremnicima ukupne zapremine 3600 lit (4 x 900 lit) ispod kojih su ugrađene vodonepropusne betonske tankvane za prihvatanje rasute nafte a u slučaju eventualnog prosipanja, nekontrolisanog curenja ili havarije (uslov definisan tačkom 2.3. Rješenje o VD broj: UP-1/21-3-40-574-4/21 izdatog dana 17.01.2022. godine od strane «Agencije za vodno područje rijeke Save» Sarajevo.

Snabdijevanje vodom za sanitarne potrebe uposlenih i tehnološke potrebe pogona je obezbijedeno priključkom na gradski vodovodni sistem. Sanitarne fekalne vode iz toaleta za potrebe uposlenih se prikupljaju zasebnim kanalizacionim sistemom sa ispuštom u gradski kanalizacioni sistem.

Manipulativne, radne i parking površine pogona su završno obrađene i asfaltirane sa izgrađenim sistemom kanalizacione mreže sa slivnim rešetkama za prihvatanje onečišćenih oborinskih voda. Prikupljene otpadne vode se odvođe na tretman u separator ulja i masti. U isti će se odvesti, zasebnom kanalizacionom mrežom, prikupljene tehnološke otpadne vode nastale održavanjem postrojenja i pranjem podova pogona kad isti bude stavljen u funkciju. Krajnji ispušni prečišćenih voda je preko okna za monitoring u zacičevljeni potok a potom u rijeku Tešanjku.

Čišćenje i pražnjenje separatora te zbrinjavanje taloga iz istog se vrši od strane «EKO-SERVIS» d.o.o. Tešanj prema posebnom Ugovoru.

Na uvid predložen Izvještaj o ispitivanju kvaliteta otpadnih voda za decembar 2025. godine urađen od strane JP «RAD» d.d. Tešanj. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su

ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog postrojenja u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «SGI TECHNOLOGY» d.o.o. Tešanj ispunio minimum uslova za izdavanje vodne dozvole za ispuštanje tehnoloških voda sa lokaliteta pogona za reciklažu automobilskih guma izgrađenog u Poslovnoj zoni «Vila» na zemljištu označenom kao k.č. broj: 5/23 K.O. Novo Selo, općina Tešanj, te je riješeno kao u dispozitivu ovog Rješenja.

Uplaćeni su i posebni troškovi prema Zaključku ove Agencije broj: UP-1/21-3-40-331-2/25 od 07.10.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «SGI TECHNOLOGY» d.o.o. Tešanj
Poslovna zona «Vila» br 49, 74260 Tešanj
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava